

乾隆杭州府志

杭州府志卷二十

山川

臨安縣

安國山 在臨安縣治東北一名太廟山爲縣治主山錢

鏐建城于此大清一統志山高七十里周二十五里梁孝元

帝研神記云吳興山墟名曰臨安其山青松蓋嶺餘無雜

木望之可愛時人呼爲安國山咸淳志縣治據安國山右山

脈自天日中支透迤迤七十里至九仙玲瓏諸山峻峭奇絕

下十餘里平田隱隱隆隆至是起頂有屹然獨尊之形而

功臣山特來朝對信錢氏肇基之地也山之中脈爲武肅

王墓

萬歷臨安縣志

按安國山爲錢武肅王葬所吳越備史稱王葬衣錦鄉茅山之原則山亦舊名茅山矣

獨山 在縣東四里爲南錦二溪會合之處俗謂水口山

錢氏號爲鎮水山

大清一統志

石覆大溪上下有潭深不可

測吳越王制封其神而祠之今石刻猶存

成化舊志

其石仰峙

馭溪鎖治之水口

萬歷臨安縣志

青山 在縣東十五里林木蒼翠獨冠羣山

成化舊志

山坡石

皆沉紫色老苔漬之極其古秀畫家所未能狀也

禮白嶽記

天

復元年十月奉神福使都尉呂師造伏兵青山下擒顧全

武遂進攻臨安注云沈括曰臨安縣有青山鎮資治通鑑

李牧次

輿曾端伯晚過青山詩怪底塵勞破青山在眼中竹橋低跨水林磬小鳴風半嶺暮雲碧一村霜葉紅禪枝棲衆鳥回首意無窮方回青山道中詩插天天目隱雲中但見蒼溪綠向東半折竹初經臘雪爭妍麥已眩春風翻飛水鳥偏繞白雀小村船亦畫紅間說

南塘趙書宅近來毀賣與琳宮

琴山 在縣東南七里卽金裝嶺相去一里有鶴山與琴

山相對相傳宋趙抃至此因以得名

萬歷臨安縣志

靈山 在縣東南八里昔有仙人煉丹于此故山曰靈山

水曰霽溪其旁有三峯山三峯秀插恍如雲筆

臨安縣志

姥山 在縣東南十二里高一千五百丈周二十里又公

山在縣東二十里高二千一百丈周二十八里

大清一統志

姥山與公山對縣中四溪會流于此

臨安縣志 羅隱姥山詩 臨塘占廟一神

仙繡幌花容色儼然爲逐朝雲來此地因隨暮雨不歸天

眉分初月湖中鑑香散餘風竹上烟借問邑人沈水事已

經秦漢 幾千年

按咸淳志公姥二山皆在縣東二十里成化萬歷二志  
作在縣東二里

大滌山 在縣東南二十五里中峯爲白鹿山北麓爲九

鎖山南爲黃山再南爲天柱山從山脊與餘杭分界凡諸

山皆屬治管惟山右一帶轉石壁山九曲嶺屬餘杭

萬歷臨安

縣志邑自唐武后垂拱四年始分餘杭於潛地爲臨安則縣

以東舊爲餘杭西鄙縣以西舊爲於潛東鄙故天目有兩

目之別東屬臨安西屬於潛徑山有雙徑之名東屬餘杭西屬臨安此皆相形勢以定其界域者也獨大滌天柱之山從脊分界左畔有石窟注水流下繞洞霄宮前三池元同橋合會仙橋澗水出九鎖山澗東屬餘杭澗西屬臨安宮產舊在靈鳳三畝辨納

國朝康熙五年丈量宮址山凡仍坐靈鳳三畝而立戶輸糧撥入高陸三畝是洞霄宮爲臨安所轄彰彰矣乃浙江通志將大滌天柱收餘杭志中蓋天柱觀建于漢武元封三年大滌宮壇建于唐高宗乾封元年是時未置臨安縣故隸餘杭自析縣以後疆界版籍並在臨安而大滌天柱之名

仍隸餘杭則沿襲之誤也

臨安縣志

按

大清一統志大滌山在餘杭西南與臨安分界不云盡屬餘杭也山當二縣交境犬牙相錯難以分綴因九屬之次餘杭居先故先見之于餘杭而以分界注明其下作志之例如是

功臣山 在縣南本名大官山晉天福五年勅改今名

蘇詩

注引唐昭宗詔錢鏐圖形凌烟閣升大官山曰功臣山

五代

史吳越世家 山在縣南一里高九十丈周七千五百三十步舊

錢氏所居也

成化舊志 唐子昌功臣山詩功臣山峻勢  
凌空春半登臨日正融萬瓦人烟歸眼底千

林錦繡入胸中清溪曲折雙流合古塔稜層  
四面通醉後朗吟歸去晚癡論當日剖符功

衣錦山

舊名石鏡山  
一作石鑑

在縣南一里山有石鏡錢鏐少時

游此顧其形服冕旒如王者狀其後唐昭宗改石鏡山名

衣錦山

大清一統志

於潛縣有石鏡山

隋書地理志

臨安縣有石

鏡山

唐書地理志

隋廢臨安入於潛故石鏡山在於潛唐垂拱

四年分餘杭於潛地復置臨安故石鏡山今在臨安也

神州

古史

山川記云臨安縣有石鏡在山之東峯又郡國志云

徑二尺七寸其光照如鏡之鑑物分毫不差

太平寰宇記

昭宗

升衣錦營爲衣錦城石鑑山爲衣錦山

五代史吳越世家

山高二

十六丈周二百六十步

咸淳志

今石鏡昏暗無光石猶存

咸化



舊志 蘇軾石鏡詩山鷄舞破半巖雲  
張昱衣錦山詩還  
應笑武都山下土在教明月殉佳人  
鄉滿山都覆錦富貴應須白晝歸  
設宴九龍堂上日浦中  
歌後似王稀又石鏡詩臨安山中古石鏡  
曾照錢王見服  
來天遣紫苔封裹後等閒不許別人開  
邵經邦覆錦山  
詩不觀將軍木空餘覆錦山石苔猶秀色  
荒草自秋顏竹  
淺雲根出亭危鳥足攀百年容一息高步  
未能還 鄭耿  
石鏡山詩芙蓉青削夜光浮一劍曾開  
十四州山影幾重  
雲外畫春聲不斷水中流錦  
歸樹樹新旄鐵石照  
層層煥冕旒忽聽曉鐘來古寺老僧踏月放黃牛

龍王山 在縣南六里頂有龍潭爲邑民禱雨之處 萬歷臨安

縣志

金錢山 在縣南九里高六十丈周二十里本名金容山

梁天監元年僧智度居此山忽有神人出見言姓金氏願

捨此地爲精舍僧如其言造寺因呼爲金錢山 咸淳志下並同

按山以金容爲金錢夏氏志增其說云神姓金名永承  
或作泉又通于錢未知所本

碧茂山 在縣南一十里高八十丈周二十一里輿地志  
云東有金牛山洞昔金牛銜玉遺此時人因名焉隋將鷹  
揚郎駱道興改爲碧茂山

蕭條山 在縣南一十七里高七十丈周二十二里  
按陸氏縣志改作逍遙山

望湖山 去縣南三十里望見西湖南湖故名有獅子峯  
臨安縣志

葛仙公山 在縣西南三里高三十丈周二里  
咸淳志 故老

云葛洪煉丹于此

萬歷舊志

錢嶺山

在縣西南一十里高三百五十丈周八里

咸淳志

九仙山

在縣西南十二里山巔有望江石登之可見浙

江又有瀑布瀉下如萬斛珠卽仇溪之源也

大清一統志

九

仙謂左元放許邁王謝之流

蘇詩自注

九仙山葛洪許邁煉丹

之地

咸淳志

山高十八丈周廻四里

萬歷舊志

九仙山記畧夏五偕卜

潤甫登九仙山從半山亭觀樹頭飛瀑不及問其源之何從于余心若不能釋冬十月五日復與劉張兩君游道黃潭底下瀾右轉循溪而行寒流漸漸如是里許爲觀山塢塢口有峭壁右屹巨石溪流受束琤琤有聲是名花坑塢中多民居有竹林松扉渡溪橋而右則山麓矣兩厓羣峯俯臨深谷青松交蔭抵半山亭渡橋則松頭瀑布已不復觀矣巖岩下突吐怪松一株偃蓋飛舞其旁有石臺數層以承突峯若紫棋而斲其上人行崖際有如蹈空遂躡磴

斗折而宇皆避層臺突岩以成徑徑不踰咫尺折而左林  
木蔭翳一池泓然飛橋跨之是為煉丹池橋曰仙橋左元  
放葛稚川許遠游之流曾修煉于此斯九仙所由名歟度  
橋入山門登殿禮佛畢從左躡磴而登為瓦窰坪其上多  
水田更上有石可望富春桐江因名望江石復渡橋而左  
從翳林中下有智谷焉水從丹池出流落葉間涓涓不絕  
意卽下注為瀑者耶復上循故道登仙坪石上可以席余  
三人箕踞而飲仰視石傍怪松勢若攫空俯瞰岩岫若倒  
傾欲墮為連舉大白起至半山橋掬石澗水飲之與劉君  
坐橋上凝望張生賈勇從澗底俯而入大叫以為奇于是  
劉與予從橋左尋右磴手泐翳蕪而登可百武許得石壁  
垂拱懸削高可二百尺三面皆塞獨缺其南以為水道其  
西壁水如屋溜之下垂滴瀝不斷注為龍潭潭有巨石仰  
而承溜相傳潭中時出雲氣有光怪禱雨輒應是水雨則  
為飛瀑懸樹杪澗則為細流從石下出者也仰睇崖樹短  
若秋草叢生石上時有紅葉下潭中始覺其為樹耳境不  
甚遠而其奧特甚使非張生從澗底索之且竟從橋外去  
矣蘇軾宿九仙山詩風流王謝古仙真一去空山五百  
春玉室金堂餘漢土桃花流水失秦人困眠一榻香凝帳  
夢繞千岩冷逼身夜半老僧呼客起雲峯缺處涌冰輪

張昱九仙山詩仙子何年化鶴羣至今名姓只空聞我來  
欲訪前朝事張望九山惟白雲 高得曠游九仙山詩高  
山同仰止相與造仙鄉躡屩穿林遠篝燈入洞長樹  
含春雨潤花落曉泉香幽討平生願佳期此日償

垂霤山 在縣西南十二里一名懸霤山晉許邁立精舍

于此

大清一統志

垂霤一本作垂流高九十丈周一十四里

咸淳志

邁謂餘杭垂霤山近延陵之茅山是洞庭西門潛通

五嶽陳安世茅季偉常所游處

晉書許邁傳

臨安本漢餘杭地

吳置臨水晉改臨安而晉時懸霤山尚屬餘杭

神州古史攷

五星山 去縣西南十五里形如五指備五行之體

萬歷臨安志

縣志

山岩石骨龍文綴以苔蘚勢若夭矯甘泉出其下洞中

異響類銅鼓每日二次輕重疾徐若有司之者

臨安縣志

臨安山 在縣西南十八里一名安樂山 大清一統志 縣取

此山爲名南有郭文居宅基 太平寰宇記 山高一百丈周二十

三里 成化舊志

郭山 在縣西南一十八里高二十丈周五里輿地志云

郭文嘗居此又名白石山 咸淳志 臨安山迤南曰郭山 嘉靖浙江

通志

按臨安山爲郭文所居其郭山則以墓所在爲名証以水經注水北爲宅宅東爲墓之說良是

黃嶺山 在縣西南三十里 大清一統志 山高八百丈周三

十五里通新城縣山土黃故名 成化舊志

沈嶺山 在縣西南四十里又名筍嶺高七百丈周三

里通新城縣界昔有沈氏居此地故名

成化舊志

屏風山 去縣西南四十里交新城界

臨安縣志 管淮訪屏風山詩獨出

南閩訪翠微鐘樓佛閣爲霖草根縛筆題堵了更與山僧伴話歸

康山 在縣西一里半高三十丈周七里

咸淳志

華石山 在縣西二里高二十五丈有洞穴在水中深不

可測按研神記云秦時神人移來鎮此

咸淳志

在縣南三里

峭石峙水中宛如圖畫故一名畫石登不容武攀援而上

則寬敞可眺諸勝

古今圖書集成職方典 李應徵游華石記畧自九仙玲瓏而南下近郭其間

巒岫之蜿蜒而奧特者山以百數而華石爲最華石去邑不五里從石鏡涉溪西南行有溪焉綠溪多嘉木美箭水

流石間作青綠之色廣可數十武可以方舟溪行若窮山  
勢垂塞忽焉中開有峯壁立如削千尺芙蓉壁下溪流自  
南山出匯為深潭峯影倒墮上有石壺可容二十許人瘦  
松數株俯岩下垂雲物甚美顏延榮華石山詩愛此者  
溪上芙蓉十丈青白雲留野客斜月到孤亭烟靄桑榆社  
澗漪鷗鷺汀小春杯裏色滿引醉還醒俞往欽華石山  
詩峯高堪遠眺地僻足幽探片石天開鏡雙溪嶺隔藍  
岩前門不二竹裏徑非三亦有羊求輩相邀過此庵

按成化萬厯志皆仍潛氏舊文云山在縣西二里舊縣  
志作縣南三里蓋宋時臨安治西墅明初移今所故潛  
志所記諸山水東西道里時有參差馬氏因縣西縣南  
不同兩載之殊失考

東山 在縣西三里相傳謝安石高臥之地山有塔院塔

影倒垂

咸淳志

東山在會稽上虞縣西南王性之鈺游東山



記云今臨安境中亦有東山則許邁所稱文靖嘗往坐石

室臨溶谷者蓋爲海山之游而非其所居之山也蘇詩山注

高二十丈

成化舊志 洪谷 夔東山塔影詩相輪高插碧天寒好是如如不動山弄影翻光顛倒轉微權

只在隙窗間俞烈東山詩文會得吾黨靜居清查長平

生愛山癖暇日聊徜徉風流謝康樂肥遜計亦良鍾鼎成

淹留江湖晚相望山色青未改山名久愈彰松風度晚曲

岩花弄晨粧尚疑縹緲人髻鬟下鳴璫淒涼懷古恨野水

涵方塘功名不作難出處何可忘人自草木腐看渠日爭

光香消酒力微綠陰聽圓吭悠然發遐想荒圃還成章歸

途有清泚濯櫻味滄浪

按各志皆謂東山在縣西三里惟縣志作北十里攷縣西五里爲西山此山在西山之東雖屬縣西而得名東蘇東坡洪平齋俱以同日游二山正以相去二里杖屨

往還易也縣志誤

西山 在縣西五里晉許邁口餘杭垂雷山入臨安西山

終老焉

咸淳志

山高三十丈周七里

成化舊志

玲瓏山 在縣西十二里兩山吃起盤曲九折上通絕頂

名曰九折巖

蘇詩注引國經

蘇軾登玲瓏山詩何年僂

徑白雲穿破碧玲瓏三休亭上工延月九折岩前巧貯風

脚力盡時山更好莫將有限趁無窮沈與求懷玲瓏山

詩泉石有膏肓料理費和緩風埃客子游夢想畧相半端

明巖羊酪投七念知候懷哉小玲瓏舊賞記酣宴玉女下

雲窗輕我年未冠誅萌老三間此意已懸斷少須草堂資

兩足那可絆謝公愛東山自結尋幽伴詩筒忽見先紙價

豈容賤流傳從使君感此歸思亂顛躑危根漱石俯長

淵野性等麋鹿百嗜寧食薦攬衣中夜與湖漏疾流時局

步愧驚筋卑飛傷短翰正使展齒折未救斧柯爛時節脫

復徂遲暮空浩歎何當脂下澤去路鬱交貫顏廷集游

玲瓏山詩玲瓏九折路還通霜葉如花滿地紅石上年深  
若沒字松間泉落珮隨風只疑僧去雲爲主更覺山迴水  
未窮浩劫不知初造日長公眼處在雲中王炳衡同作  
層巒何處隱仙家石壁唵呀小徑斜丹訣微茫藏藟窳詩  
篇剝蝕繡苔花遠浮雙塔凌青漢靜入重林  
泛紫霞日暮却携雁鶴返千山急雨送天華

九州山 在縣西十二里舊有九祖儒堂及廟九所俗謂

錢九州廟羅隱作碑云錢達字達甫梁大同中爲廬陵王

國侍郎羽林監及陳祖立遷東海太守娶瑯琊王氏生九

子皆爲郡故號九州山咸淳志山高六十丈周迴十二里嘉靖

浙江通志九州山路緣巖屈曲上下小溪繞山足茗溪亦相映

帶而稍遠俯察水涯楓檉叢生數里外人家翳林木間晨

烟如縷明滅達上半入雲霧臨安山水記俞往欽登九  
州山詩出郭乘佳興登山憶

昔名羣峯紛執戟九子各專城金紫花餘  
艷笙歌鳥弄聲豪華泡幻耳綠酒自須傾

按浙江通志引名勝志謂縣西十三里有西菩山考舊  
志西菩山在於潛縣西十三里于臨安無涉今刪

益泉山

在縣西十八里環抱多古木

萬歷臨安縣志

自九仙山

而西至一泉山有泉懸石上旁有石磴山麓犬牙廻互水

木攢簇

臨安山水記

按縣志寺觀門縣西饒益院俗名益泉則山名當以益  
爲正作一者誤宋時多于州縣立饒益寺則此亦宋刹  
矣

牢山 去縣西三十里俗傳錢王壙山惟此不動故名上

有劍門石

臨安縣志

鳳凰山 去縣西北十二里飛翔聳拔肖鳳軒翥坡公鳳

舞句蓋本諸此

萬歷臨安縣志

雙林山 在縣西北十五里一名寶林山上有天掌驪珠

蛾眉雲碧諸峯

大清一統志

山高七十丈周二十五里

成化舊志

雙林山一名西徑山

萬歷臨安縣志

來將值日午時千峯照耀碧玻瓈集

賢村落俯列屋寶林木石呈幽姿人言可比雙徑雄妙處  
乃在阿堵中崇岡展障屹亭左似納老眼專窺東日出烏  
鳥飛日入牛羊下再游當與夸父期不用山僧遠迤迤  
李敷游雙林院詩雙林高寺秀峯環我欲題爲小徑山炎  
月一游神骨爽天風相送去松關張振先雙林山詩徑  
入珠林九折遙峯峯矗立接層霄澄泓沁雪鱗堪數絕巖  
樓雲鶴可招瀑布寒飛天目雨松風怒快浙  
江湖桃源咫尺通仙路流出胡麻過石橋

按東徑西徑皆在徑山之陽東屬餘杭西屬臨安故夏薛諸志皆于臨安徑山上增一西字蓋西徑山卽徑山也蘇公徑山道中詩南渡橫木橋山寺稱小徑洪咨夔詩大徑山高寺山巔小徑山深寺山趾當時固又有小徑山寺然蘇公自注有云太平寺俗號小徑山攷其寺乃在縣東二十里靈鳳鄉于雙林亦無涉也鞏豐李敷各以雙林比徑山但謂雄勝似之耳而張輿高得賜賦雙林山天掌驪珠等峯總之曰西徑八咏陳善遂謂西徑山有天掌峯驪珠峯而以雙林別載趙士麟馬如龍皆循其文兩山淆亂滋惑殊甚緣其致誤皆因不會鞏

李諳詩假借名目之意因攷正之

閩山 去縣西北二十里有閩口水自辰隆鄉黃洞至此

山下合茗溪

臨安縣志

五花山 去縣西北四十五里五峯拱起其形如花五瓣

然

萬歷臨安縣志

東天目山 在縣西北與於潛縣接界山有兩目在臨安

者曰東天目在於潛者曰西天目東天目高三千九百丈

有大仙將軍寶珠等峯洗眼浮玉白龍煉丹等池瀑布玉

劍等泉

大清一統志

在縣西五十里周廻八百里有三十六

洞爲仙靈所棲

咸淳志

兩天目西以石勝東以泉勝東曰泉

自絕頂而下至小仙峯分爲二其左出者漚爲上下龍池

白龍池玉劍泉而度飛橋其右出者經垂虹橋至臨流亭

之下兩泉合而漚爲蛟龍池右短左長勝尤在左

快雪堂集東

目奇麗雖少亞于西目而崔嵬峻嶻有重岡疊嶂之勝峯

之奇者如大仙峯寶珠峯水之奇者如瀑布泉洗眼池白

龍池古跡之存者如分經臺黑驢菴昭明葑林耕澗壑之

秀者如垂虹嶺如平溪皆超絕常區等于仙境

萬歷舊志

山麓

白昭明庵而上爲將軍峯峭壁數十仞上一里有碎玉坡

自分經臺而上爲大仙峯則天目絕頂也白龍池而外爲

寶珠峯

萬歷臨安縣志

王世晉遊東天目山記由徑山慈無垢寺晨起望西逶行林間白道盤旋若蜿蜒



團團山色翠屏環列風竹莽篠簌簌作秋雨聲策馬向前  
飛鳥來狎草蟲互答蕭瑟動人時秋色將深林木青黃斑  
斕交錯嵐光晴霽秀媚如濯行盼高峯雲生腰貼似紅爐  
大冶吹氣飛揚從半空而發亦從半空而散高不及頂上  
下青蔥白雲中畫如珠迴玉繞高髻雲鬢班班排列問屬  
何峯與人曰此東天目也山足橫大溪水溜石滑虬木交  
纏低可容步下車徐行兩奚童左右掖過溪登麓以筍與  
縮肩綆繩而上行里許亂石磨牙戟列昇者不能前則又  
下車徐行騶從盡屏鼓吹不聞聲捫蘿拄杖跬步次且魚  
貫而上踵相蹠也而以一手按膝一手牽藤不移時而喘  
息汗流從者皆然而余爲稍健蓋時人以爲苦而余以爲  
樂樂固能定志志自能帥氣耳行過嶽登與度長岡平  
嶺如行龍脊虹橋跨空竊鴛虛馭下矚林疇黃雲覆野溪  
流匝匝泉响泠泠清虛曠逸應喧都絕老僧雪頂長蹠而  
迎馬首東西指點此爲某峯爲某嶺山頭諸勝盡獻其名  
目遇而神行矣山隈有階亭居嶺坳平低下臨深壑東折  
爲亂石坡山崩石裂巖巖疊疊如被天公搥擊成粉傾摧  
剝爛珠不可解按咸淳四年甲戌山一崩圯豈卽其處過  
坡瀑飛度嶺細爲玉筋散爲正練浮游飄揚不舍晝夜未  
幾行次石橋里人曰垂虹百尺山頭萬斛流泉漫空傾注

如三峽倒流銀海無塵水勢澎湃搏躍過壘雷碎砧水  
鼓亂鳴不聞人語時或石激返流洄湍激激又似玉龍矯  
健猛烈呼嘯噴珠吐沫近之拂面遠則沾衣此可作清淨  
觀亦可憐頰憐章得御讓首久之不忍去去而之二橋古  
杉大可十圍亭亭生發清陰覆道三橋爲天目寺殿宇傾  
頽法像金容剝落山僧伐木新構而物力不敷樓題椽栌  
仍爲風雨所侵蝕蒼東山貧而西山富人故薄視東而咳  
談西山以山競東不勝也山以水競登東山而垂虹飛瀑  
足擅其奇矣寺後百餘武有延光菴洗眼池取水淨眼情  
日能明爲昭明遺跡路傍有平頂松枝如結束再上爲白  
雲窩舊名西寺竹徑絕佳窩有磁大士獨立相傳大士靴  
形成夢欲得名山居之冷人以後此山中大于人像山至  
白雲窩繞坡而上荆棘橫生苔封蘚滑業髮參差未易扳  
躋臨安令黃君謂昭明分經臺咫尺宜迴歷遂于茅叢榛  
莽中覓路望之居然在目行二三里而猶不可至至則亂  
石一堆磊疊如盤而已臺有三松一爲雷火所摧餘且立  
槁昭明分金剛經三十二劫火不能滅所餘蔓草沙磧數  
塵松枯石爛疑有龍神護持無容俗人輕踐下臺爲葛稚  
川煉丹池池水滴漉不甚清臺以後則山愈高路且絕聞  
此中境界更奇然無如其坎珂偻側何乃轉折而東下爲

黑驢菴祖師時以黑驢往來爲虎食師囑之山至今無虎  
毒過莽循故道趣昭明寺僧報胡麻已熟時日且昃遙望  
西目而奔飯設而不殮蓋已於入寺時飽臨安厨傳矣東  
目爲臨安所屬而志乘脫畧如大仙將軍寶珠諸峯瀑布  
泉白龍池平溪諸勝不傳于紀載而崔嵬峻極幽麗清超  
之致乃爲西山所壓制夫上穹之炯炯分眸也左之右之  
豈故柳東而歸其西山靈之不乎予爲山靈平之爲作東  
山游記以昭告于黃石室彼時天鍾墮水可得再起而鳴  
于東山方丈否王亮登天目山記按志天目山高三千  
九百丈道書所稱三十四洞天是也余林臥靜觀企此山  
中久矣是茂長至之月解觀華溪泛嚴陵經富春之渚假  
行輿迺抵臨安古邑邑宰褚君固快士倒屣出迎問狀余  
自喜曰山川錯繡逸興遄飛而地主正復朗詣茲游可酣  
暢矣信宿署中褚君爲具數口糧味爽窺戶間從游者少  
長咸集直走西郊二舍許抵紫陽官山之陬也始山宮畔  
登山不得道一沙彌負笠懸瓢拜于崖側曰指途者謬矣  
從溪西而行可耳遂踰溪隔峻阪百折而上可十里許至  
馬鞍山香爐峯皆象形而名之者又前數武則山排碎石  
無數片片如花瓣然呼爲亂石拔其東峯石筍植立聳  
龍頭下爲瀑布泉飛珠噴玉倏忽異態此山中第一龍池

也稍折而上爲垂虹橋橋當兩山之罅橋之下岩溜橫披如白虹之臥波由橋逶迤而前古木蒼鬱中見一招提印昭明寺也蓋梁昭明太子修禪處唐寶誌飛錫居之禪堂塑二像色相自佳老僧壽期頤者幾輩扣以禪機亦能見解一比邱導余自右角登半里許精舍一區其後爲洗眼池流出石琫狀如龍鼻池僅數尺而霖熯不盈澗相傳昭明掬此水洗目障翳忽消蓋亦神跡也西數武攀崖而上爲白雲窩山遂景幽諸峯若可把玩又上里許有別峯爲分經臺臺上三松大合抱信千餘歲物掬水飲之清冽異常相與面水憇坐望絕頂則尚數里僧曰勝遊至此已足過此以往烏道凌空不可以步余笑麾之曰若草業已離塵遠俗不聞勇猛精進之旨繫紵苦鞋此禪閣第一義也奈何跬步間遂自阻耶輒命蒼頭刈草萊剪荆棘取道而登折旋數里爲二仙峯山多奇石如舉蓮萬朵中有石壁上豎如舒霞障顧游蹤罕到未經品題余呼山僧名之爲蒼玉屏僧曰善哉挾腋又登數里陟大仙峯天目最高處也北望震澤南臨嚴灘東錢塘西宣歙千餘里一指顧間矣余昔登華頂嘆爲寰宇大觀比閱茲山較之萬八峯頭未免少讓顧西峯並時尖秀侵雲雖蠟屐未躋而青霄在望則又天台山中無也凝望仙人臺者久之萬壑千岩

應接不暇而夕陽已告謝乃策杖峯下循故道而西有山  
 僧遙謂曰此景復自佳余索途而往則一圓石岩巒石磬  
 之上上下臨不測之溪余名之爲蓼鉢岩云是夕宿寺中老  
 衲爲予談飛橋之異云東溟禪師居山中數十年一旦欲  
 踰橋東去因白龍獻爪挽之遂回山余聞之矍然思跡過  
 之老衲熟視余縮頸吐舌者三余曰何怖也曰非然山徑  
 險仄未易窮探止可平溪庵中一坐眺之耳越明日搥衣  
 索途由一峻陂過黑驢莽庵之背巨石冠山中復空洞瑩  
 徹且現爲鳥巢之狀僧請名余呼之爲鵲巢峯稍平處一  
 墩中踞可憑爲几余名之爲蹲獅石五石棋布可列坐而  
 參禪余名之爲蓮花座少間呼小沙彌瀾茗飲之循危徑  
 而出里餘爲平溪莽所爲東溟道場是也四山環抱一峯  
 特朝靈氣所聚岡阜上有興山禪師故址其碑尚存寶珠  
 峯之下有華光臺亦古名荒所據蹤跡也稍前爲白龍池  
 蓋當年獻爪處深宵無涯水從石澗中出流幾尋丈色如  
 素瓊呼爲玉劍泉又自餘步則飛橋在矣孤崖峭壁中見  
 履痕若有若無時平時仄諸同游前攙後擁僅容半足如  
 猿猴升木目轉心悸汗淫淫然下蓋路逾嶮巖境逾詭怪  
 如是者三里許始見平麓道傍復有一洞天斗室中石牀  
 可撫而臥余與二僧入洞中趺坐吸茗三椀越澗而出剛

上人前揖余曰山中尚有香爐峯多奇徑怪石又有大龍  
困時現毫光數丈特絕徑未由躋攀耳余曰此神靈所留  
也無遺盡之似此勝遊亦生平奇觀矣于是諸山僧俱合  
掌作禮而退施樞東天目詩二首不辭巖嶮訪龍潭  
底無窮碧似藍亂石鳴灘溪過九飛泉瀉瀑壑分三雖然  
道士能相引不比樵人得盡詣招提巖壑無路到乘風應  
許御雲驂不謂山行得此晴有名勝處必須經玉田草滿  
春無極石室人稀夜不宿自料谷情思賦倦誰知幽意在  
空冥碧桃却似傳消息一曲瓊歌月滿庭邵經邦東天  
目記游詩碧天雲霧萬峯青張日承危過此亭怪石藏松  
接虎豹高風落木響雷霆登臨重閣名山細觀畫中開勝  
地靈待到西天同作記南山詩句總堪銘馮夢禎東目  
觀瀑詩仙源不可見懸水鳴日夕隱隱何轟轟直下數百  
尺天地豈無初滌浚何時息此聲非水生非從石間出水  
石兩無功豈是太空力如聲色已然觀出安可得欣從二  
三子宴坐譚秘密山僧送酒來且共開涓滴馮大綬登  
天目山詩天目東峯倚太空秋深躡屐御長虹瓊漿亂噴  
青天雨珠箔橫翻碧海風勝地自應棲化鶴高蹤誰不羨  
冥鴻同來詞客俱陶謝賦就明珠落掌中羅萬化同作  
駿馬騰空碧玉浮白雲攜我上峯頭江遙百里烟波渺松

護千岩翠靄稠觀瀑亭前銀漢合迴光菴外  
紫虹收醉來夜臥依星斗絕勝乘槎博望游

按此山以東西二峯割屬二縣不比大滌山徑山之勾  
互今分晰載之確屬東目者載此古牒所傳兩峯公共  
之說互見於潛志中

仙掌山 與天目相鄰舊傳有仙人隱此既沒而葬裂棺  
飛昇板從空而墜故臨安有上板邨又云二板墜紫溪東  
峯今名板塢古今圖書集成職方典

井戈山 在縣西北六十里通安吉州蹊路縈紆深窈難  
行如負戈入井因名大清一統志山高一千一百丈周一百

五十里

嘉靖浙江通志

花石山 去縣北五里每雨後出五色花石

臨安縣志

王屋山 在縣北六里高三十丈

成化舊志

烏金山 去縣北十八里一名烏徑在安村

臨安縣志

大錢山 去縣北三十里

臨安縣志

穆公山 在縣北三十里高峻崎嶇有石碁盤坐石之類

咸淳志 有坐石印石又有馬跑泉世傳仙人所居

萬歷臨安縣志

徑山 在臨安縣北去縣三十里

咸淳志

此山本龍所居國

一禪師行脚過山下龍化老人與語契合因勸師營居演

化云此山東天目也吾當遷西天目但留一穴出入他日

勿以僧供爲慮至今寺無寸土而常聚千衆

泊宅編

去縣東



北三十里山麓觀音岩至凌霄峯凡十三里東自徐牛塢

分水直上西自風洞口分水直上東北屬餘杭西南屬臨

安于高陸八嶺大雲二嶺納糧

萬歷臨安縣志 蔡襄游 徑山記 臨安縣之北 鄒直

五十里有徑山在焉山有佛祠號曰承天祠有碑猶述載  
本初唐崔元翰之文歸登書之石今傳于時云始至山之  
陽東西之徑二登自其西壁絕襟繞轎行少休松檜交錯  
盤鬱蒙翳尋丈之間獨聞語聲躋稜層披翠蒨盡十里許  
下視來徑青虬蜿蜒搏岩騰霄且及其巔峽東洞隱幾不  
容並行已而內括一區平林坦壑四面五峯如手豎指一  
峯南絕卓爲巨擘屋蓋高下在掌中矣庭間小井或云故  
龍湫也龍亡湫在歲率一來雷雨暝暗而鄉人祠焉者憧  
憧然環山多傑木綠杉翠裡千千萬萬若神官蒼士聯幢  
植葆駢隣倚徒沉毅而有待者進溜周舍鏘然粲然若鑿  
行佩趨而中節者由西峯之北數百步屹然巨石屏張笏  
立上下左右可再十尺割而三之若川字隸文曰喝石岩  
其傳甚神並岩被谷修竹茂密嘗以契刀刻竹兩節間成  
景祐三年十月二十五日宇云由東徑而往坎首爲池游

魚曠空其西徑東折蹠南峯領脰之間平地砥然盈故而  
半巖松一本其高丈其蒸四之橫柯不疎如芝孤生松下  
石泓激泉成沸甘白可愛挹之煮茶凡茶出北苑品第之  
無上者最難其水而此宜之假松之南一目千里吳江之  
濤可挹越岫之桂可攀雲駁蕩蕩狀類瓦出若古國畫盡  
蝕斷裂無有遺楹而隱顯之物尚可名指翠山聯屬呈露  
岡存矯矯翦翦成自意氣若小說百端欲聖智之充而不  
知其下也臨觀久之魁博通雅之思生焉大凡言之天憐  
地絕山回物靜在處神巧舉可人意雖窮冬閨寂而取于  
余者猶在也既歸無幾何裝所歷者重鈞復結無一見焉  
追而言之若覺而言夢使人悄悄而不自知也同遊者某  
某所刻竹節間十字其游之年月日也蘇軾游徑山詩  
衆峯來自天目山勢若駿馬奔平川中塗勒破千里足金  
鞭玉勒相迴旋人言山住水亦住下有萬古蛟龍淵道人  
天眼識王氣結茆宴坐荒山巔精誠貫山石爲裂天女下  
試顏如蓮寒窗煖足來撲朔夜跡呪水降蜿蜒雪眉老人  
朝扣門願爲弟子長叅禪爾來興廢三百載奔走吳會輸  
金錢飛樓湧殿壓山坡朝鐘暮鼓驚龍眠睛空偶見浮海  
蜃落日下數投郵鷺有生共處覆城內擾擾膏火同烹煎  
近來愈覺世議隘每到寬處差安便嗟予老矣百事廢却

尋舊學心茫然問龍乞水歸洗眼欲看細字銷殘年又  
徑山道中次韻答周長官兼贈蘇寺丞詩年來戰紛華漸  
覺夫子勝欲求五畝宅灑埽樂清淨學道恨日淺問禪漸  
聽瑩聊爲山水行遂此康鹿性獨游吾未果覓伴誰復聽  
吾宗古遺直窮達付前定鋪糟醉方熟灑面呼不醒奈何  
效燕蝠屢欲爭晨冥不如從我游高論發犀柄溪南渡橫  
木山寺稱小徑幽尋自茲始歸路微月映南望功臣山雲  
外盤飛磴三更渡錦水再宿留石鏡緬懷周與李能作洛  
生詠明朝二子至詩律嚴號令監輿置紙筆得句輕千乘  
玲瓏若奇秀名實巧相稱九仙更幽絕笑語千山應空岩  
側破甕飛溜灑浮磬山前見虎跡候吏鏡鼓競我生本藉  
奇塵土滿釜餽山禽與野獸知我久踏蹤笑謂侯吏還禦  
虎吾有命徑山雖云遠行李稍可併頗訝王子猷忽起山  
陰輿但報菊花開吾當理歸榜夏原吉游徑山詩西北  
羣峯萬馬來東南地勢接蓬萊絲雲宮闕天中起紅日山  
川掌上開十錦人家橫幾簇三吳客路繞千迴凭高極目  
洪濛外身在

按咸淳志列此山于臨安縣

大清一統志本先見之例載入餘杭仍注云去臨安縣三十里  
今遵其例于餘杭著其詳而此從略蔡襄游記篇首即  
稱臨安蘇詩前一首本集編臨安淨土功臣二寺詩下  
蓋由臨安以至山也後一首更多言臨安之勝夏詩以  
下皆於臨安有明文因分系于此

大峯山 在縣北五十里天目山東北峯也勢峻拔高二

千六百丈周三百五十里昔倪氏居此故亦呼倪嶺

古今圖書

集成職方典 盧琦登大峯山詩一徑盤桓上碧峯桃花  
岩畔扣仙宮微風不動墮遊樹北斗頻懸石上松龍出洞  
雲浮檻白雞鳴海日射窗紅游人  
咫尺青天近歷歷溪山在眼中

五柳山 在縣東北五里高二十丈周五里峯巒秀拔岩

木少入元 卷二十一 一  
壑盤旋上有平原

成化舊志

集賢山 在縣東北八里高十丈周四里

成化舊志

宋元間出

進士十八人故名今不可考

萬歷臨安縣志

八百山 在縣東北十里有三峯甚高中峯號大將山西

峯號紫藤山東峯號八百山共周九里

咸淳志

按八百之名舊通志以爲彭祖居之者誤据吳越備史

乾符六年秋七月黃巢擁衆二十萬掠州縣將及石鏡

鎮前軍二千餘衆崎嶇而至王率二十騎伏草莽巢小

將單騎先進注弩射之應弦而斃伏兵盡起賊大潰王

謂衆曰此術止可一舉耳大軍至衆寡不敵矣宜乘勝

張虛聲以懾之乃退屯八百里途遇老嫗戒曰後有兵  
至當言臨安兵屯八百里未幾巢兵果至具如所對賊  
相顧曰向止數騎尚不可當况八百里乎遂不犯境此  
山著名所自來萬歷縣志云吳越王破黃巢常屯兵於  
此得其實矣

又按萬歷志縣東北一百里有烏山臨安東境至餘杭  
界只三十里安得以相去百里之山屬臨安縣耶陳志  
以前未經言及其文當有訛錯附此俟考

大仙峯 天目絕頂也四望浩淼江海吳越盡一覽間頂  
甚平衍巖石數十處名仙緣石峯頭時蓋雲霧又名雲霧

山萬歷臨安縣志顏廷渠大仙峯詩浮玉東峯雲作梯  
到來但覺衆山低葛仙丹穴池長滿帝子經臺路不迷

風落松花堆鷺嶺泉垂虹影入茗溪  
琳宮如傍青天昨夜半金雞海底啼

雙林四峯 雙林山坐天掌峯對驪珠峯左峨眉峯右雲

筆峯 萬歷臨安縣志高得賜四峯詩天掌峯五峯秀出  
冠叢林千載奇稱過賞音雲雨自成翻覆手虛空誰

識住來心天圍竺國層層玉地入祇園步步金一指倘教  
歸大道石頭未怕路嘔歔驪珠峯誰向龍淵發秘藏遠類

天掌爲擊將四山白月爭秋色一鳥紅雲護夜光靈鷲斜  
飛天樹昨陽鳥正照地中央向來娑竭輪珍玩在處還應

屬上方蛾眉峯青賢說法西江上節彼名山具仰瞻人善  
長卿能蔡萌我慚逢世諱稱嚴烟供淡掃蘭煤重月比新

峯筍玉液寶閣荒餘聊作供莫因暮雨始歎簾雲筆峯一  
峯翠峯直如椽五色綰緼爛若烟太華秋高全氣肅須彌

春暖玉毫岡油然亦是無心出卓爾何曾有字傳安得文  
如燕許手相期此露向堯天張與四峯詩天掌峯群山

撓寒翠中有奇峯直峩峩一掌開亭亭千仞碧拔地固絕  
倫擎天有餘力雲雨自翻覆此中無改易驪珠峯混沌孕

元珠何時墮爲石含光不照乘却藉明月色造化鍾靈秀  
將以瑩山澤驪龍不敢爭同象終自得蟾眉峯天目本自  
佳橫眉青更好不效越娥顰不因漢時掃黛然麗容儀誰  
能如其巧宮中好爲圖見此應絕倒雲筆峯舉穎切天光  
卓然不可舉書藉蔚藍雙硯懸銀淡水自非天  
掌揮爲能落風雨望中常五色變態亦難紀

金鷲嶺

在縣南一里高五丈一名鷲鼻嶺

成化舊志

光錢嶺

在縣南十里又名青草嶺

咸淳志

嶺高一百一十

丈

成化舊志

百貢嶺

去縣南二十里地名珠犀越嶺有仙洞又有潮

洞

萬歷臨安縣志

觀音嶺

去縣南三十里上有玉仙洞南十五里交新城

界轉東二十里爲由拳嶺俗名牛肩嶺交餘杭界

臨安縣志



芝羅嶺

一作芝泥

臨安縣東南至富陽以芝羅嶺爲界

萬歷舊志

平戎嶺

在縣西南二十里又名釜嶺

咸淳志

按舊志以釜嶺爲金嶺者誤

錢王嶺

在縣西十五里亦名白峯山

萬歷臨安縣志

浪嶺

在縣西五十里舊志云嶺上有響洞

咸淳志

按成化志旣載浪嶺又別載浪嶺巖云在縣西三十五里縣志浪嶺去縣西北四十里當卽此一嶺記載微異耳

龍鬚嶺

在縣西五十里產龍鬚草

咸淳志

有二水流出若

龍鬚然

臨安縣志

塹嶺 自仙掌山轉西南十里爲塹嶺交於潛界

萬歷臨安縣志

石屋嶺 在縣西北十二里一名關干嶺吳越王妃戴氏

家于瑯壁歲一過此設石關以衛故名

大清一統志

按黃氏舊志云茗溪水過護龍嶺至瑯碧邨有馬帶橋

武肅戴妃歸寧衛從軍駐馬于此所云護龍嶺疑卽石

屋別稱

風嘯嶺 在徑山南塔下爲臨安大道

大清一統志

俗云風

車嶺

徑山志

按縣志作鳳笑嶺云一名風笑皆誤

羈龍巖 去縣南二十五里羽士吳若虛建莽處

臨安縣志

鍾麟登羈龍岩訪眉道人詩躡屐攀蘿亦偶然朝元人住  
翠微巖牛泓春水龍初定一縷寒香鶴正眠瓦竈每能炊  
白雪石根曾說種青蓮相逢問  
我參同契雲老松枯不記年

按葛澧錢塘賦巖則虎頭鷄棲龍池米積諸巖皆臨安  
地惟鷄棲不聞此羈龍或本作鷄籠卽古鷄棲巖歟

米積巖 去縣西南三十五里梁昭明脩禪岩下石鐫中

日撒米升條足以自給後僧廣之米絕相近又有貴山岩

龍池岩萬歷臨安縣志 顧說米積山懷古詩怪石雀巢  
聳百尋諸峯羅列翠如屏馬岩兀坐松爲檻鳥道

間行竹作橋佛座苔生春過雨禪房燈接夜  
來星寒鴉冷澗年年在多恐昭明不忍聽

按陸志作米積山依葛澧賦當稱岩

九折巖 玲瓏山巨石齧峙鑄九折岩三字乃蘇公筆蘇

詩及古題咏皆刻于上

萬歷臨安縣志

登石門詘曲而上爲九折

岩風雨驟至屐下皆作小瀑

武林芑志

虎頭巖 在縣西十八里

咸淳志

西北二十里浪口巨石昂

頭酷肖虎狀

萬歷臨安縣志未照實心詎云釋

黎民表虎頭岩詩松徑光

垂構方蒙茸乳竇正浙深險猶呂梁壑嘶異天井壁緣帙  
書長祠丹光夜逾絕杳杳懸烟生溪深冬霰積功非夸娥  
掉奇假巨弱擊樓真  
事岩耕倩爾飛鳧鳥

永安岩 東永安岩西永安岩並在縣北二十里東坡游

東西岩詩云卽謝安東山

咸淳志公含雅量

世運屬艱難况復情

所鍾感慨萃中年正賴絲與竹陶情有餘歡音恐見車甕  
坐令高趣獨携縵紗人來上東西山放懷事物外徙倚  
弄雲泉一旦功業成管蔡復流言慨慷桓野王哀歌和清  
彈挽鬚起流涕始知使君賢意長日月促臥病已辛酸勸

哭西州門在駕那復還空  
餘行樂處古木昏蒼烟

按潛志引蘇詩云卽謝安東山則此詩應系東山然蘇  
集題爲游東西岩而東山無岩之稱因改系于此

冷水巖

東冷水岩西冷水岩並在縣西三十五里

咸淳志

二岩與金城岩石桂岩高峯岩皆祖天目雄石屹峙

萬歷臨安志

縣志

瀉玉巖 雙林山有瀉玉岩與天掌等四峯及浣雲池萬

菊軒迎暉亭爲八景

萬歷臨安縣志

張輿瀉玉岩詩瓊液一勺多飛流自天外琤瑯瀉幽弦

蜿蜒垂長帶由來漾水源不異曹溪派要看作波濤還須  
到滄海釋懷海瀉玉岩詩千山春泛亂銀蛇百道流泉  
湧碧霞匹練倒垂吳市近落紅高瀉蜀門斜濤驚不息雷  
潛地球濺皆圓木雨花若使有桃皆岸種問源舟恐失漁

家

守鳧墩

俗傳錢王守鳧墩在臨安道左

宋詩紀事 方  
菱錢王守鳧墩

詩山下鑿龕挂紙幾水楊墩上草芊綿  
高人不要金丸用買得三吳八十年

磨刀坑

在龍山衆山所聚澗水常流五代時錢氏治兵

器于此

成化  
舊志

按萬歷縣志列此坑千古跡神州古史考亦云坑在臨

安然臨安縣實無龍山舊府志錢塘龍山有錢王磨刀

坑據四朝間見錄夏震擊韓侂胄于玉津園之夾牆內

地名磨刀坑玉津園去龍山不遠則坑固屬于錢塘也

臨安所有豈名同實異耶姑附以俟攷

鳴鳳洞 在洞霄宮外一里道旁山上雖石門阻隘有童

稚可入云其間廣埒兩屋旁一小路不知所極上有穴泉

溜爲丁當音下入方池未嘗減溢耆舊云錢氏時因鳳皇

來鳴故以名洞其地亦改爲靈鳳鄉

大滌洞天記

在縣東南二

十五里

萬歷臨安縣志

史唐卿鳳鳴洞詩何年雷斧鑿山裂千尺蒼崖瀉飛雪青天半夜玉簫寒喚醒幽

人弄明月 王易簡鳳洞詩風兮亦何來颺颺鳴高岡山風度玉簫竹簫豐饑根至今嶙峋石如作毛羽祥深蹊阻

造極懸磴聊窅裳踟躕不忍下樹杪青天長

按靈鳳鄉爲臨安十七鄉之一鄉因洞爲名則洞之屬

臨安顯然也舊志誤入餘杭縣今改正

龍蛻洞 與鳴鳳洞相對山崖中相去百步許喬木幽隱

岩穴嵌巖深可數丈宋皇祐初羽人于洞門獲龍蛻骨齒

角皆具故名記云五洞潛通此其一也

大滌洞天記胡

鱗皴蛻跡存荒苔岩穴幾朝昏不知何處爲霖雨却帶歸雲過別村鄧牧龍洞詩老龍山中居出山作霖雨風雲幾聚散田野正辛苦神仙地位高使爾司下土高得賜龍洞詩石扇中開倒景虛淵靈何代此潛居危峯陡起千尋表舊水深藏一斛餘白日雷霆驚叱咤青天雲霧出呵噓乘時還解爲霖否諸葛南陽亦草廬

按洞天記作蛻龍洞元人詩但稱龍洞今依咸淳志爲

### 龍蛻

棲真洞 在大滌山前峻嶺之上記云大滌先生杜琛語

弟子何德仁曰西洞尤廣汝宜居彼可避世成真遂名棲

真咸淳志

去洞霄宮三里一名西洞

大滌洞天記趙汝陸游棲真洞詩幅巾屨松



露雙袖抖衣塵可耐人間暑來尋洞裏春座分雲骨冷屐  
隱髻紋新鶴近清尊舞如留欲去賓韓松游棲真洞詩  
黃冠具竹與邀我游棲真山家雜水樹野徑橫荆榛長松  
臥蒼蛟亂石錯紫鱗委曲至洞府積雪開雙門結頂寶蓋  
高下可容百人神仙獨何之碁局今猶存翠子拂不落衣  
袖生清芬山門扇未終浮世三千春安得從之遊一笑凌  
層雲史槐棲真洞詩扶筇討幽勝梯徑費躋拳洞壓孤  
峯上山分兩縣間石柈碁子白寶蓋巖紋斑丹就空餘竈  
野雲相對閒

歸雲洞 去大滌五里在西嶺外層岡之上卽棲真之後

門深可百餘丈石壁光瑩洞有愚頂亞于前洞記云是神

仙廻車之便道故曰歸雲常有雲氣往還其洞外又有隙

地皆灌木疎篁隱映前谷

咸淳志

洞門狹僅數尺下入丈許

石皆如瑪瑙五色直下有方池深不盈尺廣可二尺長可

三尺池底白色如累珠鏤玉可愛泉水則盈涸不常又下  
十數步有白石若瓠者三又下數步左偏上陟則有石盆  
其上流泉涓涓瀉入盆內可以盥四周石乳如垂瓔珞復  
返右偏直下十四五步濶二丈許其中有石如積銅錢者  
周圍平坦容三十餘人

名山記

白茆洞 在洞霄宮西南十里嶺右靈象巋然按記云晉  
人遇一道士衣巾爽麗自洞中出詢所自來曰吾白茆先  
生職此久矣因名之其門如井縋而下二三丈至平地  
可環坐二十人復偃身下入又二丈許有仙人酒甕石及  
二石柱一竅上徹天光境界奇絕山高路阻希有至者

大條

洞天記 彭辨之白茆洞詩萬頃閒雲鎖洞門仙人  
遺跡至今存却憐漢武秦皇拙不到茲山一駐軒

按臨安縣東至餘杭十八里以靈鳳鄉杜鳴村爲界村東  
屬餘杭西屬臨安鳴鳳洞已爲靈鳳鄉地更由鳴鳳而西  
其去臨安縣治乃彌近矣舊志棲真歸雲白茆諸洞悉隨  
大滌山載入餘杭縣實于道里有誤今並改正

仙洞 在縣南一十五里洞口僅八尺餘深不可測內有  
方石室可坐二十人必秉燭方可入

古今圖書集成職方典

潮洞 在縣南二十里百貢嶺洞口如瓮內通海潮每潮  
候水溢范法師恐妨民噤之潮遂殺萬歷三十六年七月

大旱又一溢

萬歷臨安縣志

玉仙洞 在鳳翥鄉南山去縣四十里地名黃金漾淳祐  
十年正月鄉民樵採見一白獸入洞遂刷開洞口漸進漸  
深秉燭以視內有三洞深二十餘丈峻壁擁石高十餘丈  
色左青右黃白其狀有仙人有寶座又有如旛者如白龍  
者如獅子者二柱屹立一長八尺圍四尺一長六尺圍丈  
餘色潔白柱間有井深六尺內橫深不可計間吐烟霧氣

微溫白龍體滴水不竭其餘怪石不可勝數趙安撫與憲

名之曰玉仙洞

咸淳志

王執禮游

玉仙諸洞戲題碧雲

石厓詩已從鹿岩游更入龍洞去橫足螃  
蟬行連臂猿猿度滑徑鏗鏦屐陰厓然樺炬振策扶頰  
捫蘿猛攀附塗險幾欲窮境勝思有遇給銜通石竇參差  
流玉乳形開趣彌深與集理自裕便將遺世紛且復恣幽  
步紆餘窮冥搜淹留迫頽暮題詩識蒼壁聊寫心跡素重

游豈無期恐  
忘來時路

響洞

在縣西五十里浪嶺人語其中則響應

咸淳志

按成化志作縣西五里誤縣志謂浪嶺去縣西四十里

小別

石洞

在縣西五十里其洞兩旁有石室可容百許人中

有龍池云是天目之一廣可二畝池之西北有穴下通江

海名勝

志

朝陽洞

東天目有東西二井石室朝陽二洞黃冠厭人

游覽不肯指引僅披榛莽題名朝陽洞中

芸隱勅  
游稿

仙人洞

在縣北五十里因其深幽疑有仙人所隱故名

成化  
舊志

試劍石 在開化院內錢王起兵試劍有劍跡

萬歷臨安縣志徐

奇桂試劍石詩十載磨霜出匣寒携來小試碧琅玕石根尚帶光千尺龍氣遂成雪一團雨過欲留當日淚苔封猶餘舊時坑溪山盡覆光明錦却剩孤青待墨翰

棋盤石 九仙山半有棋盤石及巨人跡葛仙丹竈

萬歷臨安

縣志黃鼎象棋盤石詩棋子丹砂關棋盤白石琢觀局者何人爛柯在山谷

醉眠石 玲瓏山一石偃臥如榻鑄醉眠石三字石旁泉

出醉時可枕流高臥

玲瓏山志

龍口石 在縣北高陸鄉臨溪有石如龍飲水

咸淳志

龍口

舌形如龍嘴故名

萬歷臨安縣志

按如縣志所云則是龍口舌亦猶府城之有龍舌嘴也  
潛志已列石類今從之

石屏 在縣西五十里天目山舊志云昔秦始皇于天目

山剖石爲橋此其遺也

咸淳志

金鮮湖 在德義鄉俗傳有龍

咸淳志

在縣東五里其泉與

獨山潭通後因耕者飲牛滌器而龍遷于獨山潭中湖今

蕪沒

咸化舊志

南溪

卽茗溪

南溪在縣西三里湖四十丈發源于於潛縣

天目山東入本縣界四十五里至縣郭東南二里五十步

又東二十八里入餘杭界凡經過縣界者七十三里溪多

灘磧遇水漲可勝二十斛舟

成寧志

東茗水上源卽臨安縣

南北二溪也南溪出縣西與於潛界之化龍鎮東北流合

西南一水東流經縣城南又東流折東北經青山鎮南與

北溪會又東北入餘杭縣北溪出縣西北與孝豐界之東

天目山東南流數十里經縣北至青山鎮南

水道提綱

治西三

里爲茗溪發源東曰山脚龍王堂東流合董溪水又東合

大坂水又東合青嶺邵溪二水又東合閭口水又東合弼

村水至新溪渡又東合潘上溪潘下溪水凡九水合流南

北諸山夾峙而東蔡君謨稱爲山水佳處過縣治北合馬

溪水東望獨山而奔錦溪入于南而雙林之水則自集賢



北來又東至公山脚合靈溪水又東至青山達餘杭東坡

云天目之山茗水出焉者此也

萬歷臨安縣志

劉子暉南溪詩聊爲溪上游一步

一回顧悠悠出山水浩浩無停注唯有舊溪聲萬古流不去楊輔世南溪詩碧玉寒塘瑩不流紅葉影裏立沙鷗便教不作南溪看當得西湖十里秋釋道潛同吳興尉錢濟明南溪泛舟詩把酒弄實梅欲黃海氣冥冥錯昏晝僧房亭午隘可鄙畫網從君逐溪溜斗欣紛翳眼前失但覺波光翻縠綺蘋花洗雨白雪香荷柄吹風青玉瘦回看行人走南北蝨蝨岸傍如蟻闌一竿落日麗譙明繞郭雲山相倚構嶺青壁映彤霞轉盼忽驚開錦繡好將傑句爲余寫天乞君才多穎茂錦裳玉刻厭傳玩燕尾蠶頭吾未究輕機欲動蹇淹留城上哀笳悽已奏

錦溪

在縣南石鏡山下發源乾鳴東流至獨山合茗溪

大清一統

志

石鏡溪一名錦溪晏元獻輿地志云在縣東南

一里

咸淳志

自乾鳴口東流至雙溪口過大山脚合牛大陽

水又東過玲瓏山合上溪水又東至金坂合姚家村水又

東過華石至石鏡功臣等山因衣錦而著名東過吳山灣

獨山之北入茗溪

萬歷臨安縣志

溪廣處幾數十丈盈涸無時不

通舟楫

讀史方輿紀要

吳越王之宴父老也山林皆蒙以錦故有

錦溪之名

王十朋蘇詩注冠越俗徒誇翁子賢五百年間異人出盡將錦

蘇軾錦溪詩楚人休笑沐猴

緜裏山川

王執禮錦溪詩微雲淡日半昏明初換春衫

步履輕行到小橋南絕處高吟詩句答溪聲

張昱錦溪

詩錢王功業與天齊百里旌旗照此溪

靈溪 在治東南十五里發源丁水界頭東北流過桃源

洞合觀音嶺水又東北過邵壻合諸西仙坂二水又東過

鶴山合琴山水又東至公山脚入于茗溪

萬歷臨安縣志

馬溪 在縣東北六里咸淳志發源高陸鄉小馬里南達縣

治東達長橋入南溪萬歷舊志治北三里爲馬溪源于院陽東

南流至小馬里又東南合大馬水東過白蒲坂至觀音山

後入苕溪萬歷臨安縣志

猷溪 在縣北二十六里澗一十步深一尺水源出高陸

鄉東入餘杭縣界二十六里咸淳志源出大山倪嶺東南流

至龍上陽有龍潭又東南至石門合冷陽頂水又東南合

仇溪水又東過龍口舌東合白水又東至集賢共二十六

里歷餘杭界又東至沔陽入苕溪萬歷臨安縣志

仇溪 出望江山合穆公山水至高陸村入猷溪萬歷臨安縣志

按此溪與至餘杭仇山之仇溪有別

郟溪 源出東天目山黑巖菴流合茗溪

萬歷臨安縣志

白水 在縣東北源出縣北二十里大錢山飛瀑燦爛亦名燦水流逕縣東北二十五里合徑山水入歙溪

大清一統

志

閩口水 一出黃洞一出白沙二溪合流過素雲橋金岫

村至闕水山下合茗溪

萬歷臨安縣志

龍潭 在高陸鄉猷溪中環以巖石既深且清有石如屋

覆其上俗號渴澤龍王

咸淳志

深百餘丈周圍石圍三丈許

俗傳有龍穿石而上

萬歷臨安縣志

三潭 東天目三潭之下有九溪之隔三潭之上有百丈瀑泉之勝飛橋之險涉深攀緣止可到第三池上兩潭及

飛橋則無計可觀所以限仙凡也

芸隱倦遊稿

玉兒潭 晏公輿地志在縣西五十里

咸淳志

玉兔潭一作

玉兒在縣西辰隆鄉

萬歷餘杭縣志

浣沙潭 晏公輿地志在縣西五十里

咸淳志

桃花泉 在龍蛻洞西數十步自石罅橫注入溪昔人每

見有桃花片流出莫知從來

洞霄圖志

馬跑泉 在縣北三十里穆公山有馬口足之跡如印諸

樵採者多見之

咸淳志

瀑布泉 在天目山高倚斷崖下臨絕澗自白龍池瀉下

望之如疋練

萬歷臨安縣志

張元忞望瀑布泉詩蒼崖八月時却憶年來觀

瀑處匡廬天目兩稱奇

羅萬化同作詩千尺飛泉破碧

空白雲堆裏駕長虹此來莫惜躋攀力須信天閑有路通

陳繼疇天目瀑布泉詩雲裏攜筇下碧霄山僧相送過

溪橋爭看片練隨風舉忽訝晴虹出峽驕細剪泉花寒拂

岫倒掛銀浪暗通潮不知底

事忙多少欲赴滄溟萬里逸

玉澗泉 黑驢菴折下二里四圍列嶂如屏飛泉漱石名

玉澗泉

浙江通志

按

大清一統志東天目有玉劍泉王亮遊記云白龍池水從石澗

出流幾尋丈色如素瓊人呼爲玉劍泉或作玉澗通志

從之然當以玉劍爲正

覺喜泉 天目山之東峯吳門行恢長老居之命其所居

之泉曰覺喜自謂無妙畫佳吟大手筆詞藻足爲斯泉之

重俾虛翁方回記之

桐江續集

澁水漾 在雙林院山半瀑泉飛白甚長沿流集賢里東

至大溪

咸淳志

碧淙 在縣西金之俊遊記云四面皆山中餘一線泉流

淙淙合山光樹影攢綠入泉故名碧淙

臨安縣志

千人溝 功臣寺有溝名千人相傳錢氏役千人一日而

成

蘇詩注引臨安圖經

縣南開化寺卽功臣寺錢王婆留井千人溝

等猶存

萬歷臨安縣志

鄭蘭谷千人溝詩複道斜通百尺樓曾擐犀甲瑯吳鈞穿池雨過秋鳴佩吼嶺風

來夜唱籌雙桂婆娑孤月下  
一峯高插五雲頭無端梧葉隨流去却認題詩出御溝

洗眼池

由昭明禪寺轉西則洗眼池泉出石罅列而甘

池宏竇餘閉有若琢成梁昭明太子以此泉洗眼舊志云

昭明分經此山月誓洗于泉明一目後歷西山又以泉洗

之目悉開故莊曰雙清山曰天目

萬歷臨安縣志  
駱文盛洗眼池詩洗眼池中

水更清千年遺跡舊昭明我來一洗塵中眼絕勝滄浪幾濯纓  
沈朝煥和韻詩  
一勺寒潭片月清誰矜慧眼自分

明我將青白看人世  
笑向山僧歌濯纓

浣雲池

雙林山澁水從浣雲池瀉下飛瀑甚長

萬歷臨安縣志

高得賜浣雲池詩偶然鑿破一方苔雲影中間去又來  
本已飄搖離世俗何煩洗濯絕塵埃染衣溪女花陰合滌



硯山童墨暈開智者正爲  
秋水觀可容无磔涸靈臺

九井 六口在南北鄉第一里其三口在第三里皆錢王

創鑿

成化舊志

治東南百步有砂井澄冽可愛大旱不竭居民

賴之舊志井九口並錢王所鑿砂井居其一其餘無考

萬歷

臨安縣志

婆留井 錢鏐生而紅光滿室父寬怪之將棄于水邛氏

之斧鏐大母固不許因小字婆留而井亦以名

十國春秋

子僑

寓臨安山中家之後圃有一大井是武肅王外祖家舊物

井上有文凡五十三字末曰臣羅隱謹頌

楓窓小牘 羅隱婆留井頌於

維此井淳育坎靈有莘有邰實此儲英時有長虹上貫青  
冥是惟王氣宅相先徵爰啟霸主奠綏蒼氓沛膏新澤配

德東  
漢

鎖井 功臣山有鎖井錢王旣封置甲冑于井中鎖之示

不復用也

臨安縣志

錢王鎖井在同化寺園卽王故宅基也

田香

宇集 徐允時鎖井詩兵帶洗虎井雄  
園半已殘如何山下水猶射劍光寒

按黃氏舊志謂錢王鎖甲于婆留井陸志云屬別井攷  
開化寺有婆留井鎖井亦別爲二今從之

陳公井 在縣東十二里百江嶺宋民所鑿

萬歷臨安縣志

孫子井 在縣西五十里

咸淳志下同

天井 在縣西五十里

長橋渡

在縣東三里

成化舊志

成化間建橋

萬歷臨安縣志

竹林渡

在縣西三里

萬歷舊志

舊爲渡宣德間建橋

萬歷臨安縣志

新溪渡

一作青溪

在縣西十二里

嘉靖浙江通志

新溪卽南溪之別

名也有新溪渡爲入杭要路

讀史方輿紀要

自臨安市西五里至

青溪渡溪多馬卵石一路多水碓泉流甚壯又五里至錢

王舖十里至化龍館十里至橫塘入於潛界

禮白嶽記

太平渡 在縣東十五里

成化舊志

杭州府志卷二十終